



Data: 19.03.2019

Ref.: 498/1920

Bazuar në nenin 7, dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Ligjin për Procedurën e Përgjithshëm Administrative (nr. 05/L-31, datë 25 maj 2016), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Rregulloren mbi punën e Këshillit Shtetëror të Cilësisë, Nr. 621/18D, datë 12.06.2018, Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

V E N D I M

- I. Refuzohet kërkesa për aprovim të aplikacionit e Fakultetit të Studimeve Islame në Prishtinë, Nr.1448/18 H, datë 30.10.2018 për akreditim të programit të studimit:
 - Pedagogji e Edukimit Islam, BA, 180 ECTS;

Arsyetimi

Fakultetit të Studimeve Islame në Prishtinë (tash e tutje FSI) ka parashtruar kërkesë (Nr.1448/18 H, datë 30.10.2018) në Agjencinë e Kosovës për Akreditim për akreditim dhe riakreditim te programeve të studimit si në vijim: Pedagogji e Edukimit Islam, BA, 180 ECTS; Teologji Islame, BA, 240, dhe Teologji Islame, MA, 120 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KSHC në mbledhjen e mbajtur me 15 dhe 16 janar 2019 ka trajtuar aplikacionin e FSI-së, dhe pas analizës se dokumentacionit të stafit akademik bazuar në pikën 1.2 të këtij neni, ku thuhet, *"Në përputhje me kërkesat e këtij udhëzimi administrativ, KSHC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KSHC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së"*, erdhi në përfundim se programi i studimit, Pedagogji e Edukimit Islam, BA, 180 ECTS, nuk i plotësojnë kushtet ligjore për aprovim të aplikacionit.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *"Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të*

përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.

- Për programin e studimit: *Pedagogji e Edukimit Islam, BA, 180 ECTS*, si bartës të këtij programi Fakulteti Ekonomik ka paraparë tre persona: Zija Abdulai, Shefqet Krasniqi, dhe Ilmije Kuqi.

Sipas paragrafit të fundit të nenit 26, pika 5.3.4 e Udhëzimit Administrativ për Akreditim, kërkohet që: “për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.

Ky program ka 180 ECTS kredi dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program Fakulteti Ekonomik duhet të ketë të paktën tre staf akademik me gradën akademike PhD me marrëdhënie të rregullt të punës nga fusha e programit të studimit. Nga dokumentacioni i dorëzuar nga FSI, konfirmohet që asnjëri nga stafi akademik i prezantuar si bartës të këtij programi nuk i përket fushës së pedagogjisë (Edukimit), përkatësisht nuk i përkasin fushës së studimit të programit.


Përveç kësaj, pas kontrollimit të dokumentacionit të dorëzuar nga FSI për kualifikimin e stafit akademik, u konfirmua që për stafin akademik Zija Abdulai nuk ka dëshmi mbi nostifikimin e diplomës. Sipas Udhëzimit Administrativ 16/2016 për parimet dhe procedurat e njohjes së diplomave, gradave dhe kualifikimeve të shkollave të larta profesionale dhe universitare të fituara jashtë Republikës së Kosovës, neni 3, pika 1,5 dhe 6, thuhet që: “për qellim të punësimit, këto diploma duhet të nostifikohen nga MASHT”. Mbi këtë bazë në mungesë të vendimit për nostifikim të diplomës (nga MASHT, siç parashihet me këtë UA), të studimeve të doktoratës, i njëjti nuk plotëson kushtet ligjore për të qenë bartës i këtij programi të studimit.

Andaj bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të vendimit për nostifikim të diplomës së studimeve të doktoratës për bartësin e këtij programi të studimit z. Zija Abdulai, ta refuzoj aprovimin e aplikacionit për programin e studimit *Pedagogji e Edukimit Islam, BA, 180 ECTS*.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 ditësh nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- Fakultetit të Studimeve Islame, Prishtinë;
- MASHT-it;
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë